



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63

K 6 63

1-
2-
3-
4-
5-
6-
7-
8-
9-
10-
11-
12-
13-
14-
15-
16-
17-
18-
19-
20-
21-
22-
23-
24-
25-
26-
27-
28-

- 1 - Barbarus - GW 3345
- 2 - Bentivolus - GW 3852
- 3 - Bosca - GW 4943
- 4 - Brentius - GW 5099
- 5 - Campanus - GW 5491
- 6 - Capitaneus - GW 6023
- 7 - Carvajal - GW 6153
- 8 - Cheverius - GW 6614
- 9 - Cellenicius - GW 7166
- 10 - Ambrosius de Cona - BMC IV, 89
- 11 - Cortesius - GW 7696
- 12 - Donatus - GW 9041
- 13 - Valascus - BMC IV, 144
- 14 - Fliscus - BMC IV, 85, H* 8133
- 15 - Galineta - H* 7439 [Venerio - Apud Paul. Sybellu
8KW 3258]
- 16 - Becchius - BMC VII, 1130
- 17 - Geraldinus - BMC IV, 93
- 18 - Guiba - BMC IV, 85
- 19 - Indovicius Imoleusis - BMC IV, 90
- 20 - " " BMC IV, 94
- 21 - Justinianus - H 9641 [Roma - Hau. c. H 21]
- 22 - Cheregatus - BMC IV, 91
- 23 - Sollus - H* 10178 - BMC IV, 84
- 24 - " BMC IV, 93
- 25 - Maroldus - BMC IV, 81
- 26 - Marsus - BMC IV, 82
- 27 - " BMC IV, 83
- 28 - " BMC IV, 84

- 29 - Mainius - BMC IV, 96
 30 - Maino - " IV, 135
 31 - Montanus - BMC IV, 90
 32 - Perger - BMC IV, 98
 33 - Pius II - " IV, 95
 34 - Obedientia Penusium - BMC IV, 96
 35 - Sibilla JMW. 3458
 36 - Terrasse - BMC IV, 82
 37 - Tegliatus - BMC IV, 81
 38 - " - BMC IV, 87
 39 - " - " , 135
 40 - Tegrinus " , 137
 41 - Martinus de Viana - BMC IV, 117
 42 - Zennus [Hilary] Reed. I, 206 - R 110
 43 - Zeno BMC IV, 97

Oratio Hermolai Barbarizac. f. Legati Veneti. ad Federi-
cum Imperatorem. Et Maximilianum Regem Romanorum.
Principes inuictissimos.

Ostē litterę tuę Sacer Imperator Iocundissimum
Reip. Aostre Aunciū attulere: Maximilianum celli-
tudinis tuę filium Principem celeberrimum et fortissi-
mum admirabili populorū et optimatum consensu lectum et salu-
tatum esse Regem Romanorū. Senatus et vniuersa ciuitas noi-
stra non contenta id per Epistolā fecisse congratulatū vtriq;
nos misit: Et in mandatis adiecit vt magnitudinē gaudii sui
quod p tanta re merito concepisset non duobus modo vobis
Principes inuictissimi: Sed Gallię: sed Germanię: sed omnib;
gentibus: omnibus nationibus Testatissimam et conspicuam
faceremus: cum quia nihil tam amplum: tam gloriosum sacra-
tissimę Maiestati vestre potest contingere quod sibi quoq; pro
sua in vos obseruantia: fide: beniuolentia commune nō putet.
Tum vero maxime quia cum christianum nomen et Romanum
Imperium hoc altissimo prouidentię vestre consilio diuinitus
amplificatum sit: hoc tanto et tam cōmuni bono sic afficit vni-
uersa nostra resp. vt sollicita sit admodum ne leticiam incredibi-
lem suā oratione consequi valeamus. Quanq; enim Cesar glo-
riosissime vt a te primum incipiam nihil est fere quod vel a na-
tura: vel a virtute: vel a fortuna sit expectandum: quin cumula-
tissime cōsecutus esse videaris: Et iampridem eas res gesseris
artibus pacis et belli: quę nomen tuum eternitati commendare
possint: hinc tamen opinione nostra fructum omnis anteactę
vitę tuę maximū cepisti. q; filium generosissimum: qui nobilissi-
mas gentes: ferocissimos populos: bellicosissimas nationes nō
minus armis q; sapientia vicisset: Regem Romanum te viuo
renunciari permiseris: multa sunt maiorū tuorū Cesar egregias:
cum bello: tum pace monumēta: quorū persecutio neq; loci: neq;
temporis huius est. sed omnia ea: vt p se magna sunt: et immor-



tali memoria digna ita cum hoc vno tuo facto comparata mul-
to reperiuntur esse minora q̃ p̃ se ferunt. Ac gesserunt quidē
illi rem romanā tam p̃clare: vt nihil addi potuerit. Sed quā-
diu vixerunt ⁊ vtiq; sibi. Tu autem filio tuo ad gubernacula
tantarum rerum promotus: posteritati quoq; consulis ⁊ plurib;
in futurum seculis prouides: ratione inuenta: quemadmodum
curam publicę salutis retinere videaris: etiam post mortem: ra-
tus id: quod est: imperatoris esse boni: prospicere: ne possit esse
malus imperator. Principem esse malum: quem vitia successo-
ris commendunt: ⁊ bonum videri faciant. Nam quotus quisq;
princeps non bonus sit: ad alterum collatus? Congratulaſ er-
go tecum sibi ⁊ tecum tibi princeps eminētissime non resp. mo-
do nostra: Sed christianus orbis vniuersus. q̃ principem eum:
quem certatim omnes efflagitabant ⁊ tibi facere. ⁊ sibi habere
contigerit. Rara ⁊ visenda foelicitas tua Cēsar beatissime: fili-
um genuisse: quem Gallię: quem Germanię: quē Barbari: quē
Romani: quem populus christianus imperatorem optare te vi-
uo: te reluctantem non erubescunt. Dixi te reluctantem: nam hęc
tua diue federice ppria laus est: nō minus tibi: q̃ ceteris mo-
derari. Verebaris audio modestissimus ⁊ grauissimus Impe-
rator: ne si precibus populorum: ⁊ principum omnium protinus
annuisses: aut charitati patrię in filium aut ambitioni datum
esse iudicaretur. parum tibi videbatur prestare Cēsarem in ali-
os: nisi aduersus teipsum quoq; prestitisses immo qui clemen-
tissimus: humanissimus ⁊ facillim⁹ es in ceteros: id quod ego
non fame credo: sed expertus loquor: in te parum equus ⁊ duri-
usculus esse voluisti. Nihil erat apud te fuga voluptatum ⁊ cō-
tinentia: quas virtutes vno te nullus ante te magis commen-
dauit: nisi ⁊ paternum affectum: quo nihil esse constat in homi-
ne potētius: nihil tam legitimum: castigasses ⁊ compressisses.
Nec enim vitium erat in Cēsare: liberos suos: qui ⁊ ipsi sunt cē-
sares protinus qui nascuntur: reges esse cupere. quandoquidē
non magis honestum est Regem vocari q̃ Cēsaris esse filium.

Jam patris in filios indulgentia popularis et plausibilis quoque
solet esse: nedum: ut vel inuidiosa sit: vel probrosa. Nam in Cē-
sare commendabilis semper fuit: in te vero etiam expetit: qua-
si debita. Nec iam indulgentiæ nomen habet: sed iuris et equita-
tis. Quis enim est filio tuo vel bello vel pace clarior: quem res
aduersæ magis exercuere: Quis prosperis et secundis minus in-
tumuit: quis in utraq; fortuna constantior: in labore pertinax.
in remissione diligens ac precinctus. Mitto bellicas virtutes
que ut in eo prestabiles et eximie: ita nec temporum sunt omniū
nec locorum. Attingantur pacis artes: que semper et ubique sunt
vsi: sapientia: temperantia: placabilitas: innocentia: religio:
frugalitas: hæc in iuvene vno tam præclare: tam eminentes esse
perhibentur: ut ne in sene quidem Imperatore maiora desidera-
ri posse videantur future proorsus incredibiles nisi eum et Au-
stria gente celebratissima et filium tuum esse meminissimus.
Que cum ita sint immortales tibi gratiæ provinciati: oppida-
timque habentur: et semper habebuntur Imperator consultissi-
me: quod pro communi bono verecundiam: et modestiam tuam expu-
gnari passus es. Ergo bis te ipsum vicisti Cæsar inuictissime.
Primo cum oblatum filio tuo regnum minime dissimulanter
auerſatus et deprecatus es: naturalemque patris in filios pietatē
virtute plusquam heroica immo diuina quadam mentis et animi
magnitudine superasti. Secundo cum hanc ipsam virtutē qua
modo te vicisses: utilitatis publicæ contemplatio peruenit: et in-
petrauit a Cæsare quod impetrari non potuisset a patre. Sed
iam dudum mihi Cæsar innuit: Maximiliane auguste princeps
generosissime: ut a se digressus orationem ad te conuertam. ob-
temperabo lubens atque lætus: tum quia laudes tuas pater equi-
ore animo quam suas audit. Tum quia per hunc modum Imperio
senatus et desiderio reipublice melius et verius satisfecero. Ergo ma-
iestatis tuæ nomen apud nos tam celebre semper fuit: ut ad diligendū
amandūque te populos: etiam ad colendū: et obseruandū impulerit. hæc
mos reipublice noster: atque sanctus: peritiosus et improbos tyrānes exitia

Austria gens.
siue oſtricia.

Virtutes Im-
peratorie.

Carolus Dux
belgarum.

Heluetii.
Leuci.

Maria Caro-
li filia Maxi-
miliano dñpō
sata.

liter odisse: principibus bonis et fortibus non solum fauere sed etiam obsequi: dignitatem eorum et amplitudinem omnibus modis iuuare: tueri: defendere: etate porro nostra nemo de regum: et principum numero fuerit: quem collidi tecum: et comparari posse iudicemus. omnino talis et tatus es apud nos in quo vel plura: vel maiora quam pre te feras: optare comminisci: desiderare pudor sit: ut nemo mirari debeat: si leticia immortalis: gaudium incredibile: voluptatem incomparabilem: quam te Romano Rege declarato concessimus: Dicendo representare nullo modo possumus. Enitent ac prelucent in vno te: sed iuvene: mirum dictum: virtutes omnes imperatorie: iusticia: liberalitas: animi magnitudo: clementia: placabilitas: abstinentia voluptatum omnium: et ut complectar vno verbo multa: quam immaturum qui te cernimus: tam maturum imperii te cognoscimus. Peruidit hanc indolis altitudinem Carolus Rex belgarum: experientissimus belli durus et accertimus vir ingenii: quae usque adeo exarsit: ut nihil prius habere videretur: quam ut unicam sibi filiam virginem magnae spei: foeminam lectissimam: heredem multarum gentium: nationumque futuram et omnino quam multi reges appeterent: obseruarent ambirent: tibi vni ferre puero: nec vxorio: nec querenti desponsare posset. unde vigesimo autem etatis anno: cum princeps ille cui mox asciscendus gener eras ab leucis et heluetiis interceptus esset: soceri tui regnum a Gallis occupatum: ingressus: parua manu: fassis: et trucidatis ingentibus hostium copiis: seruitute liberaasti: vxorem defuncti ducis. et filiam: fortunatissimas modo foeminas. tum miserimas et exangues. nec plus merore: quam metu confectas: omni diuina et humana spe destitutas erexisti: subleuasti: redemisti. vitam earum et dignitatem et pudicitiam conseruasti. hoc mater: hoc prouince tanto et tam immortali beneficio deuictae virginem ope tua recreatam: virtute tua defensam: tuis armis inimicorum ereptam iniurie: desponsatam a patre prius animo. tunc certatim opere tibi collocant. videlicet ut eundem generum atque virum haberent: quem habebant et assertorem et vindicem.

296
baeren? rudimēta virtutis ⁊ fortitudinis tuę diximus. Quid illa que mor egisti: q̃ samigerata: q̃ mira: q̃ visenda: nato tibi filio ciuiles ortę seditiones sunt Morinis auctoribus: quorū opera factum est: vt charissimum tibi pignus: nescio quo p̃tērtu: custodiendum ⁊ asseruandum eriperetur. fuit hoc eorū nō perfidia: nō defectio princeps gloriosissime: sed fati via hoc agētis. vt per intestina quoque bella clarior ⁊ celebrior fieres. nec enim plus eos amat fortuna. quos indulgenter habet. ⁊ quibus parcit: sed quos iactat: quos exercet: alioquin: clari: nec bello: nec pace duces intelliguntur quibus omnia prospere cedunt: sed quibus contingit per labores: per erumnas: per incōmoda splendescere: nam: vt secundę res foelicem: magnum certe faciunt aduersę. Alexandrum illum macedonem: sunt qui min⁹ egregium bello ducem fuisse p̃dicent: q̃ ei nullius pugne non secunda fortuna fuerit: q̃ q̃ in ipso rerum incremento nūdum vertentem fortunam expertus vita decesserit. In te vero: quem certum syderum decreta sceptro patris: ⁊ solio destinauerant.

Quid mirum. si aliqui operaz dederunt: vt tristiora tibi tempora inciderent: ne aut virtus quiete languesceret: aut parum dignus imperio fuisse videreris: qui omnino futurus esses imperator: itaq; continuos nouem annis in castris agens difficilima quinq; bella profligasti gallicum siue francicum: eburonicum: sicambicum: batavicum: morinicum. quod quidez postremum baud facile iudicari potest: vtra tibi re gloriolius fuerit: eo ne: q̃ filium tamdiu tibi ademptum auulsumq; recepisti: an eo: q̃ nobilissimas gentes scientissimos bellice rei populos: vrbes opulentissimas ad deditionē ⁊ poenitentia compulisti: id quod nec Carolus socer: nec profocer Philippus excellētissimi duces: hic bello: ille sapientia consequi potuisse memorantur. Non cogito panegiricum Rex clarissime: Non laboro verborū ambitu: nihil amplificor: nihil alleuo: sed decurro per capita: ⁊ nudas rerum a te gestarum summas attingo. Mirantur tamē hęc omnes mirantur etiam citra fucum: ⁊ negligenter effusa.

Morinorum:
Coniuratio.

Alexander macedo.

Cōmemoratio
bellozum que
gessit succicta
Galli
Eburones
Sicambri
Bataui
Morini
Carolus socer
Philippus
magnus socer

**Laus a bonis
externis.**

**Coaceruatio
laudum a bo
nis animi ⁊
ab iis q̄ max
ime decet im
peratorem.**

**Laus ab ami
cis.**

Plutarchus.

plus mirentur si qui te pprius introspecerent: ⁊ virtutes eas in
tuerentur: quarum presidiiis munitus tot insignes victorias tā
multa belli decora consecutus esses: videretur istud os tam p
bum: tam facundum: hęc tracta de coelo species: ista lacertorum
⁊ pectoris firmitas: hic totius corporis vigor: hęc animi tempe
stiuitas: ⁊ volucritas: hic imperatorius ardor oculorum: p̄te
rea q̄ feror in prelio: mitis in cōtubernio: effusus aliis: tibi par
cus. In castris non veste: non mensa p̄cipuus. aguntur hęc
mes cum cetero milite sub pellibus: sudantur estates equaliter.
Epule modico: ⁊ castrensi cibo contentę. Jam quis te solertius
castris locum capiat: commeatu expediat: hostem ludificet:
pugne tempus eligat: aciem instruat: vrbes obsidione cingat:
Neq; vero partes Imperatoris: ⁊ optimi ducis impleas. militis
nō impleas. nullum tibi castrense munus sordet. Non stare pro
signis: non excubias sorte agere. non vallum ferre. non specula
tum egredi. primus inire prelium. postremus excedere. vtrumq;
iurta doctus: opere militem ⁊ consilio ducem agere: nullaz tibi
vel principalis fortuna: vel maiestas imperii functionem remit
tit. nihil tibi parcis. nihil blandiris. indulgentissimus ceteris.
Tibi parum letus: ⁊ omnino nihil gregario plus habes: nisi q
plus laboras: ratus id: quod est: nō tam honorem: q̄ onus esse
q̄ regnas. imperatoris hoc esse munus vt opes ⁊ magnitudinē
suam non ad ambitum: quem priuatum: sed ad salutem ⁊ com
moda reip. conuertat. vtiq; non imperium sibi: sed seipsum im
perio dedititiū faciat. Sed ⁊ illa tibi peculiaria s̄runtur: dilige
re quidem omnes: Sed amicos etiam deligere: nō oblatos istos
⁊ passim obuios de palestra. de spheriterio. de fritillo. S; quos
ad innocentia: patientia: continentia: ad algores: ad estus ad
opera militaria sepi⁹ exploraueris. Nec enī amici sunt quicūq;
ros sequuntur (alioquin tam multi q̄ sunt: vt Plutarchus in
quit: in culina musę): quę cum ipso nidoze cōfluunt: ⁊ recedūt.
Sed quos amicitia dignos esse iudicaueritis: eos debetis vos
vltro sequi. Itaq; cum iis: qui se tibi aliquando virtute commē

297

clauissent: consuetudine delectassent: vtilitate demeruissent: in
omnia familiaritatis officia descendis et Cæsarem obliuisceris
ut amicum prestare possis. Neque vero postremum inter laudes
tuas posuerim: quod litteras et ingenia: sicut audio: tam impense di-
ligis: quod quod bonas artis non foueas modo: sed alis atque promoues.
Imperatorium et hoc decus: cum quod in nullo plus emicat hic ni-
tor et hoc lumen doctrinae quam in regibus. Unde natum sit illud
ex Homero Platonis interpretatione: discipulos deorum non ali-
os esse quam reges: tum vero maxime: quod precepta sapientiae non ha-
bentibus modo praesunt: sed in alios (etiam fere dixerim plus) re-
dundat. Quis ignorat Anaxagoram in periculis: Platonem in diocesi
multos instituisse: non nauigasset ab exercitu Cato rhodon:
ut Athëodorum audiret. Nec Panætium Scipio videre concupisset:
nisi tantum in ea re vel ornamenti vel fructus in esse iudicauissent.
Praeterea multa prudens atque conscius: nihil me fugit quam religio
se: quam innocenter: qua sancte iuuentutem tuam erigas patet om-
nibus obsequentiorum te patri filium: nec esse nec fuisse quemquam
scio quam praecclare quam magnifice cogitationes tuae sint omnes. Non
ignoro: quae pridem vota conceperis: nuncuparisque digna prin-
cipe christiano: digna maioribus tuis: digna Cæsare: digna te-
ipso. Haec virtutes illae tuae sunt Imperator vnicuique: propter quas du-
cem suum te bellicolissima terrae Galliae pars belgae non modo non
dedignantur adueniam et germanum: quibus alioquin tam sunt
inmensi: quam proximi: lingua: coelo: moribusque disuncti. sed appe-
tunt. ut indigenam venerant: ut principem diligunt: ut parentem
Hec ingentia tua merita: propter quae Federicus pater innocen-
tissimus et grauissimus Imperator adduci: persuaderique potuit:
uti te Regem Romanum se viuo renunciari pateretur. Hoc differebat
quidem ille primum et cunctabatur: simul ut verecundiam et modestiam
suam: quemadmodum praedicimus ab omni labe suspitionis asseret.
simul ut exploraret: assentarentur ne patri: qui pro filio tam enixe la-
borarent. An consultum saluti suae vellent. Sed extemplo patuit
acclamationes illas: atque preces: non adulantium voces fuisse. sed

Laus doctri-
na.

Homerus.
Plato.

Anaxagoras.
Pericles.
Plato.
Dion.

Cato.
Athëodorus.
Scipio.
Panætius.

Laus ab insti-
tutis ritibus.
Laus ab ar-
chanis cogita-
tionibus. atque
votis.

Laus a subie-
ctis.

Laus a patris
iudicio.

**Laus ab lecto-
ribus.**

Vitelli. otho.

**Laus ab ipsa
re et ab occasio-
ne p imperio.
et re christiana**

studentiū. Ad adulationem semel elisa prius frangit atque langue-
scit. Studia quo plus arcentur: eo magis gliscunt et exardescunt.
Quanto nunc diue federice gaudio perfunderis: quod filius tuus
te incolumi placere potest Imperator? quod iocundum tibi quod te com-
parari filio tuo sentis? Et quoniam controversa res videtur: modo
vincis: modo vinceris. Ceterum quid prouidentia tua dignius: am-
plitudini gloriosius: clementie: pietati: foelicitati convenientius
facere potuisses quam uti: quem ex utilitate publica fuit ut genuis-
ses: eidem quoque per patrem et decus et nomen Imperatoris accre-
sceret. Nacte ingenti utroque in re merito: etiam si difficile pro-
cipit ut inquit ille pulchrius et honestius fuerit: genuisse talem
an cooptasse: Ad multo minor tamen vestra laus Germani prin-
cipes integerrimi: quorum ius id est: Regem Romanum mori futurum
Imperatorem: eligere. Nec enim possunt non optimi censeris: qui
principes sibi optimos prouident: Proinde cum talis et tantus esset
is quem legistis ut omnibus anteponi meruerit et ab omnibus:
scitote vos utrumque cumulatissime me consecutos fuisse. et ut gra-
tie vobis ab omnibus immortalis: et incredibiles haberentur: et ut
nomen vestrum: eternitati commendatum et consecratum esset. Etenim no-
mine Vitelli vel othonis subinde admoneremur eorum qui fa-
ces illas atque pestes ad dissipandum et incessendum orbem intu-
lissent: ita hec optimi principis electio nunquam memorie hominum
sine vobis recurret: quotiensque posteris vestri res ab illo fortiter
gestas incognoscent: totiens laudabunt qui talem imperio pre-
fecerint. Sed redeamus unde nos contemplatio patris et eorum
qui te legerunt abdurit. Magna per se res erat omnibus pun-
ctis omnibus suffragiis et (ut ita dicam) tributim centuriatim
que declaratum esse Regem Romanorum. Sed fecit occasio ma-
ior. Ea sunt enim reipublice christiane tempora is habet Imperii: ut
non tam speciosum fuerit te Regem creari: quam necessarium: nec ad futura
modo: sed ad presentia reipublice momenta salutare. omitto sigillatim enume-
rare publicas clades. omitto percipere quam luxata: quam conuulsa sint
omnia religionis christiane membra. omitto bella: quibus imperium hoc di-

stringitur. Sit enim piaculum in tam festa presentium gaudiorum luce misceri tristitia. illud sine periculo violatę publice leticie dicet: hoc: quod principes Germani de creando te sibi rege cogitauerunt: non tam consiliū fuisse: q̃ remediū. ergo non ad otium: non ad remissionem: non ad quietem (alioquin tibi debita post tam multos labores) sed ad nouas expeditiones: noua bella: nouas difficultates: imperiū tibi traditur. omninoq; per hoc non solatium tibi: sed aliis queritur. nihil enim aliud cogitasse video summos viros qui te patri tuo principi nobilissimo: sed annoꝝ pleno socium addidere q̃ vt ille cōsilio repectu laboribus et operibus adiuuare posses. Quid illud q̃ gloriosum tibi: q̃ letum patri: q̃ omnibus in tempore: vt regē decerni tunc demum te contingeret: cum opem tuā non imperiū: sed Imperator: nec imperator: sed pater expectaturus esse videretur. Accessit hoc ad cumulū amplitudinis et fortunę tuę. Rex prestantissime: vt qui filium infantem e penitissimis hostium munimentis eripuisses: apud eundē patris quoq; recreati gloria staret. Duos omnino legimus cognomento pios fuisse: nec argumentum ignorat: vnde sic appellari meruerint. In te posteritas ambiget. vter euentus hoc nomen tibi conciliauerit q̃ pius in parentē an q̃ pius in filium apparueris. sed iam tempus est vt vela retraham neu longius me q̃ volo aut q̃ partes legati sunt laudū vestrarū splendore: numero: magnitudine detineri patiar. Quāobrem si nihil est in rebus humanis princepe Romano maius et augustius. si talis et tantus est filius tuus Cēsar: vt ab omnibus legi debuerit et ex omnibus: deniq; si nihil vel nobilius ad gloriā vel certius ad salutem excogitari poterat q̃ vt ille repectu difficillimo tempore capefferet: nemini mirum videri debet si quod per initia testatus sum: ad huius magnitudinem letitię nullius hominis facundia: nullius vis ingenii peruenire potest. Sed hec translaticia sunt: cōmunia sunt omnibus. Ille peculiare Veneto causę: q̃ neq; gens est vlla: neq; natio (absit verbo inuidia) cuius vel plura vel maiora et

Laus a tēpo/
re occasione q̃
pro patre.

Metel. pius.
Antoni. pius.

Perorationis
apparatus.

Venetorū laus

Austria gens.

Federicus.iii.

Principes Lu
titanie.

Carolus.

Philippus.

in christianam remp. cuius vos caput estis: et in Romanum im
perium argumenta benivolentie: fidei: pietatis appareant. Ad
auderem ista profiteri Cesar optime: nisi et vera esse constaret.
et tu vera libenter audires: alioquin sciebam scelus esse coram
te parum certa dicere ne dum falsa. Sunt et illa nobis propria
Maximiliane Rex fortissime et clarissimum nomen austrie fa
milię: qua nulla fuit vnq̃ regum imperatorumq; foecundior: re
ligiosum et venerabile semper habuimus. Quod Federico patri
tuo principi saluberrimo quęcumq; se res tulerūt enixe studui
mus quibuscumq; eum locis et temporibus singulari significa
tione voluntatis et obseruantie psecuti sumus. et ipsum te sem
per a teneris vnguiculis inductione quadā animi non occulta
impensissime coluimus auctoritati tue fauimus: amplitudinē
quātum vires fuere defendimus. Jam qui principibus lusita
nie nobilissimis et fortissimis: vnde maternum tibi genus est:
qui socero tuo Carolo duci generosissimo: Qui Philippo eius
patri sapientissimo principi cariores vnq̃z fuere q̃z Veneti: Tot
modis copulati cum sublimitate vestra sumus tam multiplici
neru vincti vt qui hęc non videt nihil omnino videat. q̃ plus
desiderat nihil omnino desiderat: gratulatur ergo prorsus et vo
bis sibi: et in se vobis senatus et vniuersa ciuitas nostra nō q̃z tū
ceteri fecere: sed quātum nulli. nec quātum dici vel cogitari po
test: sed quātum nec dici nec cogitari fas est: et quoniam ambo
vos celeberrimi Principes hinc pater: inde filii: ita mutuo cre
uistis: vt neq; tu maior neq; tu foelicioz esse possis. Reliquum
est vt deum optimum maximum conditorem huius: et seruato
rem imperii publica vice cōprecer et obtester. vt quādo rē Ro
manam principū duorū patris et filii huius maturitate senioris
illius virtute iuuenis florētissimā esse voluit: beneficio suo fa
ueat: pietatemq; suā: et voluptatē cōseruandi per optimos prin
cipes generis humani: sanciat: et ppetuā esse iubeat. Postremo
vt illustrissimū ducem nostrū et incl̃ptā remp. incolumitatis et
glorie vestre cupidissimam: quę te Cesar semper et patrē et prin

299
cipem christiane religionis agnouit: coluit: et susperit sacrosan-
cte maiestati tue quanta maxima possumus veneratione: reli-
gione: deuotione comendem? opes nostras omnis atque vires
ad ornamentum et incrementum imperii dignitatem et amplitu-
dinem sacratissimi nominis vestri: promptas: expositas: et dica-
tas esse doceamus.

Dixi.

Acta. iiii. Nonas Augusti ad Brugas: siue Gesoriacū. M. cccc.
lxxvi.

Hermolaus barbarus. L. carondeleto supremo Regis Roma-
ni secretario. S. P. D. Orationem a me nudius quartus habi-
tam ad principes: amplitudini tue mitto recognoscendam ca-
stigandamque. Quamque enim mei moris esset: nihil unquam teme-
re: nihil non diu conditum atque pressum emittere: cum primū
tamen desiderari eam a te subodoratus sum: intuli mihi vim et
peruici tandem: ut instituto meo decederem ratus id: quod erat
minus esse malum: adire periculum fame: quam moram desiderio
tuo facere. Queris unde tanti sis apud me: quem ne de facie quā-
dem noxim. Perspecte sunt omnibus: eruditio: fides: integritas
tua. Compertum nobis est: quantum Veneti nominis studio-
sus sis: exploratum habeo: quantum me diligas parū merentem.
Quātū orationē et actionem meā comēdes. Sed heus tu docte
vir: obsecro ne mirere: siqua leges in hoc libello: que tunc dicta
non fuerunt. Nec enim addidi nūc ea: Sed detraxi tūc: admo-
nit? ab Aulicis extēplo quam limē attigi ne lōgus essem ambitiosa
reciderē: optima queque dicerē: paciētissimis oīo sed occupatissi-
mis tñ principib? parcerē. āputaui subito cōsilio multa quāque
quod pōt cōsiliū fuisse si subitū: ea que tūc reseui: modo sunt an-
neta. utcūque veterē exēplo facim? quos. f. Quintiliano teste cō-
stat lōge aliter scripsisse quam egisset: erulati massilie. A. miloni q-
dā orationē. M. Tullii nō quā hūisset p eo sed quā scripsisset

f. Quintilian?
A. Milo.
M. Tullius.

attulit. Tunc ille si sic egisses inquit Marce Tulli non esitaret
massilię barbatos pisces Milo. Eterum non dubito quin nisi
te amor fallat vt audiendo tunc: ita nunc legendo non parum
multa tibi displicitura sint. Sed equum te queso nobis et cogni-
tozem et iudicem prebe considerans hoc et extimans qd sesquibo-
ram ante qz principes adiremus significatū nobis fuerit in du-
as orationes seorsum vt cogitabamus atq; paraueramus: sed
vnam duobus iunctim habendam et recitandam esse. Plena dif-
ficultatis: plena discriminis res erat. Tota mihi ratio dicendi
puncto temporis immutanda fuit. orationis vniuersę filum re-
terui: atq; vt breui rem complectar: et cutis et facies ipsa proflus
interpolata est. Vale decus nostrum: et me principi nobilissi-
mo: cuius es inter eos: qui sunt a secretis: merito supremus: cō-
mendatissimum rogo facias. vtinam aliquādo tanti sim vt res
ab illo fortiter et magnifice gestas posteritati commendare pos-
sim. Tam facturum sum id libēter qz qui maxime desideret. Ex
Brugis. pridie nonas augusti. M. cccc. lxxvi.

